

Algrin y Fantasid

cu BON DIA ARUBA

No tin palabra pa expresá daño na Queen Analía

Cu tin hende cu ta mal perdedor ta un malo cu tin alrededor di mundo. Cu tin hende cu ta fanatico tambe. Pa tur esaki por tin comprension. Loke no ta husto y no tin ningun splicacion ta e falta di

respet pa un mucha su sentimento.

Cu un grupo di fanatico por grita y haci fastioso durante un contest di hende grandi ta meegenomen ya cu e por respondé pa su mes, pero cu un mucha, no

por.

Un mucha den su pleno desarroyo como artista den e caso aki no tin falta cu e hurado no a escogé segun e fanaticada tabata kier.

Y sigur e no mester a wordo lastrá di e manera ey.

Esnan cu ta pensa cu nan cantante tabata mihor mester a aceptá esaki y duna nan cantante e apoyo pa no a sali y mustre cu "Competí no ta gana, pero e simpel palabra competencia. Cu bo por perde awe, bai cas, siña pa un año largo, drecha bo voz y articulacion y bolbe e año siguiente y purba di nobo. Cu e mester tin confianza den su mes pa purba di nobo, pero no cuminsá pa siña e mucha aki cu si bo no sali nos ta caba cu esun cu ganabo ya cu esey no ta Sportief.

Ademas competencia di mucha ta esey, competencia di mucha, no di hende grandi.

Analía, despues di a mira tur loke a pasa rond di djé, como mucha único cos cu e por a haci ta yora y dicidí cu e no ta competí mas.

Ta gracias na adultonan cu tin música y talento y mucha como lo primordial den nan bida a logra di kita e parti amargo aki for di e mucha.

Y si aki ta bisa cu di ningun otro manera por a vociferá e desagrado di e



Queen Analía a hiba su trofeo pa su tutor Mighty Talent durante su presentacion na Isla de Oro. Cu lagrima na wowo y sin por splica kiko a pasa e la duna esun cu a siñé tur loke cu e ta awe su premio y a participá na djé cu e lo no competí mas, nunca mas!

público, ta un muchachada ya cu ta hurado tin decision den nan man y ta aki mester a bai.

Si tin un error a wordo cometí ta serca esnan cu a haci e error nan mester bai y no serca e mucha.

Analía a gana y e lo sigui gana tanten cu no tin un

otro cantante cu por superé, tanto den articulacion y den voz. Y Analía, bo lo sigui participá, ya cu bo ta un ganadó y esnan cu ta gana semper ta bolbe.

Sigui e conseho y pasonan di bo tutor y semper lo bo sigui ta nos Queen Analía. □



Con un mucha por comprondé loke e grandi mes ta siñé pa no haci, na momento cu e ta wordo hací en contra di djé.